

بسم الله الرحمن الرحيم

السلام عليكم ورحمة الله وبركاته: الحمد لله وكفى وصلاةً وسلاماً على عباده الذين اصطفى، اللهم لك الحمد العظيم، اللهم لك الحمد كله، ولك الملك كله، وبيدك الخير كله، وإليك يرجع الأمر كله، اللهم صل على عبدك ونبيك محمد-صلى الله عليه وسلم- في الأولين والآخرين وفي كل وقت وحين، أما بعد:

إخواني وأخواني في الله، أحبابي الكرام ربنا يبارك فيكم، وربنا يحفظكم، وربنا يسدّدكم وربنا يجعل آخر عهدنا بالصيام صيام رمضان يا رب، ويفتح علينا بعد رمضان كما فتح علينا في رمضان، إخواني في الله **"الَّذِينَ آتَيْنَاهُمُ الْكِتَابَ يَتْلُونَهُ حَقَّ تِلَاوَتِهِ أُولَئِكَ يُؤْمِنُونَ بِهِ"** البقرة:121 هو دا مفتاح الوصول للإيمان، الذي هيتلو هذا الكتاب الذي هيتبعه، الذي هيقراه صح هو دا الذي هيوصل للإيمان هو دا الذي هيوصل لليقين، هو دا الذي هيوصل للفردوس الأعلى، يبقى إذا يا إخواني في الله يبقى كفاحنا وجهادنا كله معرفتنا بكتاب الله، هنبداً دورة جديدة بإذن الله، وبفتح الله، وبتيسير الله، يا رب بإذن الله دورة خد قرارك في تفسير أربع سور في تفسير كتاب الله البروج- الطارق- الأعلى- الغاشية- الأربع سور دول يعني لما نفتح دلوقتي الشوط الثالث من الأشواط العشرة التي بتاعة الجزء الثلاثين، الدورة دي بإذن الله-سبحانه وتعالى- هيبقى ليها جوائز، جوائز مادية يعني بإذن الله-سبحانه وتعالى- زي ما عملنا كدا في مسابقات التفسير، وبببقي فيها جوائز وعمرات وجوائز مادية بإذن الله والتفريغات هتنزل على الصفحة الرئيسية، وهذه أساساً للمعهد القرآني الدعوي، طلبة وطالبات المعهد القرآني الدعوي بنا يبارك فيهم، وربنا يحفظهم، يا جماعة عايزين ندخل في هذه الدورة، دورة خد قرار لما ناخذ قرار ليه؟ الأربع سور دول بيتكلموا عن أربع قرارات، اللي هيقدر ياخذ الأربع قرارات دول هيعملو نقله في حياته:

1-قرار اثبت

2-قرار افصل

3- قرار اعلي

4-قرار استمر

دول أربع قرارات سورة البروج اثبت ولو قتلوك، ولو حرقوك **"قَتَلَ أَصْحَابُ الْأُخْدُودِ * النَّارِ ذَاتِ الْوُجُودِ"** البروج:4-5 سورة الطارق **"إِنَّهُ لَقَوْلٌ فَصْلٌ"** الطارق:13 افصل، سورة الأعلى، اعلي عشان تقدر تفصل وتأخذ قرار وتثبت، سورة الغاشية إوعى المكر والكيد بتاع أهل الباطل **"فَدَكَّرْ إِنَّمَا أَنْتَ مُدَكَّرٌ"** الغاشية:21 انت حياتك كلها للدعوة إلى الله أداة حصر في اللغة كلها، إن شاء الله يا إخواني في الله هنبداً نتكلم في هذه الدورة، ولكن زي ما تعودنا يا جماعة هنبداً من فوق، يعني إيه هنبداً من فوق؟ هيلكوبتر، يعني نبدأ الأول هو نهاية الشوط الثالث من الجزء الثلاثين اللي هو من الجزء المفصل، المفصل اللي هو من ق إلى آخر القرآن اللي كان الصحابة بيسموه محكم القرآن، هنبداً يا جماعة ناخذ مقدمة سريعة كدا عن المفصل، الأول الخطة نفهم بس الخطة التطبيقية بتاعة المفصل، المنهج التربوي العظيم بتاع هذا الجزء المفصل اللي كان الصحابة بيخلصوه الأول زي ابن عباس-رضي الله عنه- وبعد كدا بباقي القرآن وبعد كدا وابن عباس خلصه الأول ثم انطلق بباقي القرآن، يبقى الكلام عن المفصل، وبعد كدا هنتكلم إن شاء الله عن الجزء الثلاثين نبدأ بقا نفهمه أكثر، وبعد كدا نتكلم عن الشوط الثالث اللي هما الأربع صور

هنفهمهم أكثر، وبعد كذا ندخل في سورة البروج بإذن الله اللي المفروض هنبداً بيها النهارده إن شاء الله بإذن الله، بعد ما خدنا المقدمات بتاعتنا عن... زي ما اتعودنا الدورات السابقة-**صرخات للغافلين-وسورة الحج**- إن الفهم الشمولي، وفهم السياق بيخلينا نفهم كل كلمة في السورة بعمق إن شاء الله، وفهم السياق بيخلينا نفهم كلمة، كلمة بعمق إن شاء الله وبإذن الله تعالى، المفصل يا جماعة، المفصل الكنز الغائب إحنا مجرمين في حق المفصل للأسف الشديد، من فصل آخر القرآن، المفصل بيكون من حوالي أربع أجزاء، الجزء 27-28-29-30 وق في أوله الجزء الثلاثين دا يا إخوانا دا سنه أولى التزام، ركزوا معاً جداً، عندنا المعلومات إحنا بنتكلم على سنه أولى المفصل دا عبارة عن دورة تدريبية متدرجة لازم كلنا نتصلع من الأنوار بتاعتها، الجزء الثلاثين دا سنه أولى التزام يعني إيه؟ يعني زلزال وعظ يعني إيه؟ ربنا يقول: **"إِنَّا أَنْذَرْنَاكُمْ عَذَابًا قَرِيبًا"** النبأ:40 يعني قريب قوي هتشوف **"يَوْمَ يَنْظُرُ الْمَرْءُ مَا قَدَّمَتْ يَدَاهُ"** النبأ:40 ينظر المرء يعني يفضل يعني يوم يقرأ يعني اللي انت عملتية هتشوفيه صوت وصورة يوم القيامة، **"وَيَقُولُ الْكَافِرُ يَا لَيْتَنِي كُنْتُ تُرَابًا"** النبأ:40 لحظة ما البهائم ربنا يقول لها: كوني تراباً، والكافر يتمنى إنه كان يبقى بهيمة من البهائم في الدنيا عشان يبقى تراب في هذه اللحظة بدل ما يترمي في النار والعياذ بالله، معاني زلزال وعظ الجزء الثلاثين دا جزء يقظة، الجزء الثلاثين دا يا جماعة يعني عامل زي العناية المركزة، الجزء الثلاثين دا طوق نجاة دا إنقاذ.

1- **إنقاذ للقلوب اللي انحرفت وبعدت عن ربنا-سبحانه وتعالى**- الجزء الثلاثين فيه أعمال البدء يعني دا بيتكلم عن التدبير في الخلق **"أَلَمْ نَجْعَلِ الْأَرْضَ مِهَادًا"** النبأ:6 بيتكلم عن المقابر **"أَلِهَاتِكُمُ التَّكَاثُرُ * حَتَّى زُرْتُمُ الْمَقَابِرَ"** التكاثر:1-2 بيتكلم عن صنائع المعروف **"كَلَّا ۚ بَلْ لَا تَكْرُمُونَ الْيَتِيمَ * وَلَا تَحَاضُّونَ عَلَى طَعَامِ الْمِسْكِينِ"** الفجر:17 أعمال سنه أولى التزام، الكل بيتكلم عن معاني البدء يبقى زلزال واضح.

2- **أعمال البدء اللي هي التدبير، وصنائع المعروف، والجولات، والعبادة.**

3- **معاني البدء يعني إيه معاني البدء؟** إزاي... كدا الإمام الشافعي-رحمه الله- يقول: لو لم ينزل من القرآن غير سورة العصر لكفى، سورة بتقول لك: طريق النجاة هو إيه؟ معاني البدء زي سورة التين، التين بتقول: يعني-سبحان الله- **"فَمَا يُكَذِّبُكَ بَعْدَ الْبَدِينِ"** التين:7 الدين لما جه عمل الحضارات البشرية زي ما هنشرح إن شاء الله، لما هنوصل لسورة التين إن شاء الله إن ربنا أحياناً، ولما جت البشرية بقت في غاية السكون **"فَمَا يُكَذِّبُكَ بَعْدَ الْبَدِينِ"** التين:7 زي سورة الضحى والشرح بيقولوا لا يمكن ربنا هسيبك، ولا يتخلى عنك، زي سورة الشمس بتقول لك إن فيه جبل بينك وبين ربنا اسمه النفس **"وَنَفْسٍ وَمَا سَوَّاهَا"** الشمس:7 لازم تقدر تتجاوزها، زي سورة **"اقْرَأْ وَرَبُّكَ الْأَكْرَمُ"** العلق:1 **"كَلَّا لَا تُطِغُهُ وَاسْجُدْ وَاقْتَرِبْ"** العلق:19 بتقول لك إذا انشغل بك أهل الباطل فانشغل أنت بالله، وبإداء دعوة الله، زي سورة القدر بتقول لك أنت كل قدرك في الكون على أد علاقتك بالقرآن، واللي خلى لنا قدر هو علاقتنا بالقرآن، زي سورة العاديات بتقول لك كن فدائي **"فَوْسَطُنْ بِهِ جَمْعًا"** العاديات:5 اللي توسط جموع غير الملتزم في الدعوة، اللي توسط جموع الكفار في الجهاد في سبيل الله **"فَوْسَطُنْ بِهِ جَمْعًا"** العاديات:5 الجزء الثلاثين بيتكلم عن معاني البدء، عن الاقتحام **"فَلَا اقْتَحَمَ الْعَقَبَةَ"** البلد:11 الصفوف الله الصمد اصمد كي تتوجه إلى الله الصمد بيتكلم عن السعي **"وَأَمَّا مَنْ جَاءَكَ يَسْعَى * وَهُوَ**

يَخْشَى "عبس:8-9 بيتكلم عن التنافس **"وَفِي ذَلِكَ فَلْيَتَنَافَسِ الْمُتَنَافِسُونَ"** المطففين:26 بيتكلم عن الكدح من أجل الله، في قول الله- سبحانه وتعالى- في سورة الانشقاق عن كدح الإنسان **"إِنَّكَ كَادِحٌ إِلَىٰ رَبِّكَ كَدْحًا فَمُلَاقِيهِ"** الانشقاق:6 بيتكلم عن الاقتحام، والتنافس، والكدح، والصمود، والسعي، والفصل **"إِنَّهُ لَقَوْلٌ فَصْلٌ"** الجزء الثلاثين يا جماعة دا كنز سنه أولى التزام، اللي هيتربى على الجزء الثلاثين دا زي ما هنتكلم عنه بشيء من التفصيل، اللي هيتربى على الجزء الثلاثين دا، دا خد معجزة خد يعني زي ما هنتكلم بكره إن شاء الله في أول در في سلسلة الشباب والصيف اللي هو درس تقدر... وفي الدرس اللي بعده كمان.... يعني موضوع المصايف، والصيف، والحاجات اللي زي دية، وإحنا بنتكلم عنه إن شاء الله هنجيب آيات الجنة في الجزء الثلاثين هتلاقيها مختلفة عن آيات الجنة في القرآن كله إزاي؟ هنشوف إن شاء الله في الجزء الثلاثين دا حاجة زلزال في الوعظ، وفي الإيقاظ، وفي انفتاح القلب بعد أن أغلق الشيطان أبواب القلب والعياذ بالله، طيب بعد كذا الجزء الثلاثين بقا نطلع بقا الدرجة الثانية في المفصل اللي هو الدرجة اللي هو الجزء 29 وانت بتقرأه تلاقي انت دماغك سخنت من التكاليف العملية دا، دا بقا ربنا بيحكك في العمل الصالح، كنت بقرأ في الجزء 29 دخلت في سورة نوح **"دَعَوْتُ قَوْمِي لَيْلًا وَنَهَارًا"** نوح:5 دعوة جبارة عديتها دخلت في سورة الجن لاقيت ربنا بيقول: **"قُلْ إِنِّي لَنْ يُجِيرَنِي مِنَ اللَّهِ أَحَدٌ وَلَنْ أَجِدَ مِنْ دُونِهِ مُلْتَحَدًا* إِلَّا بَلَاغًا مِّنَ اللَّهِ"** الجن:22 ما فيش حاجة هتحميني من عذاب ربنا إلا البلاغ عن الله، والدعوة إلى الله **"وَأَنَا لَمَسْنَا السَّمَاءَ فَوَجَدْنَاهَا مَلْنَتْ حَرَسًا شَدِيدًا وَشُهَبًا* وَأَنَا كُنَّا نَقْعُدُ مِنْهَا مَقَاعِدَ لِلسَّمْعِ ۖ فَمَنْ يَسْمَعِ الْآنَ يَجِدْ لَهُ شِهَابًا رَّصَدًا"** الجن:8-9 الله أكبر السما بقت ملتبهه... الشياطين اللي عايزه تسترق السمع، كل دا ليه؟ لأن فيه داعية هيشغل في الدعوة إلى الله اسمه محمد ابن عبد الله- عليه الصلاة والسلام- يعني يا رب الكون مقلوب عشان إحنا هنشغل في الدعوة إلى الله في الأرض!!! طب إحنا لو... حسيت إن سورة الجن زي سورة نوح، يعني سورة قوية جدًا في الدعوة إلى الله، دخلت بعدها على طول في المزمّل **"فَمِ اللَّيْلِ إِلَّا قَلِيلًا"** المزمّل:2 دخلت بعد كذا في سورة المدثر لاقيت سورة المدثر ربنا بيقول: **"وَلَا تَمَنَّ نَسْتَكْتَرُ"** المدثر:6 مجاهد يقول: لا تمنن أي لا تضعف يعني كتري من العمل الصالح، كتر من العبادة، كتر من الدعوة، كتري من نصره دين الله، وأوعي تضعفي لنصرة دين الله، وفي الاستكثار من العمل الصالح لاقيت سورة المدثر بتقول: **"كَانَهُمْ حُمْرٌ مُّسْتَنْفِرَةٌ* فَرَّتْ مِنْ قَسْوَرَةٍ"** المدثر:50 قسورة اللي هو الأسد يعني تشبيهه داعية في قوة الدعوة بتاعته كأنه أسد نازل في الميدان، يعني لاقيت بعد المدثر دخلنا لاقيت سورة القيامة **"لَا تُحَرِّكُ بِهِ لِسَانَكَ لِتَتَّعَلَ بِهِ"** القيامة:16 العلاقة القوية في القرآن دخلت بعدها في الإنسان **"وَمِنَ اللَّيْلِ فَاسْجُدْ لَهُ وَسَبِّحْهُ لَيْلًا طَوِيلًا"** الإنسان:26 تعرفي تذكري ليلة كاملة لله؟ تعرف ليلة كاملة إنك أنت تقضيها ساجد لله؟؟ يعني معظم الصلاة بتاعتك سجود، أو معظم الليل بتاعك سجود **"وَمِنَ اللَّيْلِ فَاسْجُدْ لَهُ وَسَبِّحْهُ لَيْلًا طَوِيلًا"** الإنسان:26 تعرفي تعيشي في السجود؟ حسيت بأول مرة ليه ربنا تكلم عن النفس اللوامة في سورة القيامة في الجزء 29 كأن المعنى إوعي تتردد، إوعي تتردد بعد أمر الآخرة أخطر من إنك تقعد تلوم نفسك، لا تترددوا في أمر القيامة، وفي أمر الدار الآخرة انطلقوا عشان كذا ختم الجزء 29 بسورة المرسلات اللي ربنا بيتكلم فيها عن يوم الفصل **"لِيَوْمِ الْفَصْلِ* وَمَا أَدْرَاكَ مَا يَوْمُ الْفَصْلِ"** المرسلات:13-

14 افصلي قبل ما يفصل في أمرك، وقبل ما تفصل وتأخذ قرار بس يوم القيامة بعد ما خلاص ما عدشي ينفع تأخذ قرار، حسيت يا إخوانا إن سورة الحاقة بتتكلم عن صنائع المعروف، سورة المعارج بتتكلم عن الطريق إلى الله، والعروج إلى الله، والترقي في الوصول إلى الله- عز وجل- في العمل الصالح، سورة ن سورة القلم بتتكلم عن الدعوة اصبر لحكم ربك، وعن صنائع المعروف، وبتوصف أصحاب الجنة ، الجزء 29 دا نقلة نوعية في كمية العمل الصالح، يبقى الجزء الثلاثين بدأنا به سنة أولى التزام، زلزال وعظ يصحي القلب، القلب معاني البدء في الطريق إلى الله اللي لازم تفضل مرسخها على طول، أعمال البدء في الطريق إلى الله، وبعد كدا ندخل في 29 يبقى انطلاق في العمل الصالح بكل همة، وبكل قوة، بعد كدا نلاقي الجزء 27-28 بقي الجزء 27 ملخصه في قول الله، أو يعني المنطلق بتاعه في قول الله، الله أعلم بمراده **"فَكشَفْنَا عَنْكَ غِطَاءَكَ فَبَصَرُكَ الْيَوْمَ حَدِيدٌ"** ق:22 اللي فيه قيود مكبلاه، اللي فيه أعطيه مغميه عينيه الأغطية لازم..... الجزء 27 بيحررك من الأغطية دي كل سورة بتكشف عنك قيد..... هم الرزق، هم المتعة في الدنيا، الطموحات الدنيوية المعطلة عن الدين، التعلق بالأسباب، التعلق بالطبقية الاجتماعية عشان كدا بعد كل الشوط الرهيب بتاع التحرر ثورة التحرير بتاعة الجزء 27 تفي النهاية ربنا يقول لنا: في سورة الحديد **"أَلَمْ يَأْنِ لِلَّذِينَ آمَنُوا أَنْ تَخْشَعَ قُلُوبُهُمْ لِذِكْرِ اللَّهِ وَمَا نَزَلَ مِنْ الْحَقِّ"** الحديد:16 عبء كل الوقت دا جاهزين ولا لاء جاهزين إن انتوا تشيلوا دين ولا لاء، إن شاء الله بإذن الله يعني عما قريب نعمل دورة في سور الحديد التزمتموا يعني إيه الالتزام السليم، إن شاء الله في الجزء 27 بقي فيه فرد بطل، بقي فيه فرد محرر من أي قيود تمنعه عن تنفيذ أمر الله، نلاقي الجزء 28 الجزء المبهر يا جماعة إزاي الفرد يبني أمة؟ إزاي الأخت تبني دعوة؟ إزاي الأخ يبني دعوة؟ في الجامعة ولا في بلده، ولا في منطقتة، ولا في النادي، ولا في دفعته إزاي... الجزء 28 داعية قاعد مع أخ وأخت عندهم مشكلة أسرية، السورة اللي بعدها سورة الحشر تلاقي المشهد اختلف **"يُحِبُّونَ مَنْ هَاجَرَ إِلَيْهِمْ"** الحشر:9 بقي فيه صحبة وفيه ائتلاف، السورة اللي بعدها المشهد اختلف سورة الممتحنة فيه ناس بنضحي تضحيات جبارة، وتسبب الدنيا كلها، في السورة اللي بعدها سورة الصف المشهد اختلف 30 صف متراصص كل واحد عارف مكانه، وموقعه، ووظيفته، وثغره فيه، ومقيم عليها لحد الموت، بعد كدا سورة الجمعة المشهد اختلف الأمة التفت حوالين الصف الإسلامي، الأمة التفت حوالين التيار الإسلامي مش رفضته، ورفضت قنواته، ورفضت مواقعه الأمة التفت حوالين التيار الإسلامي بعد كدا بقي تلاقي السور الأخيرة الطلاق، والتحرير الأسرة المسلمة اللي هتخرج لنا رجاله بكره، عايز أقول لكم يا جماعة شفتم المشهد التربوي العظيم بتاع المفصل إزاي المفصل دا يا جماعة منهج تربوي وخطة تربوية متدرجة من أجل إخراج أبطال يخرجوا يقودوا هذه الأمة، دي معلومات عامة كدا عن المفصل، تعالوا بقي نقرب أكثر وإحنا في الطريق إلى سورة البروج، وإحنا في الطريق إلى الجزء 30 ما هي سورة البروج اللي إحنا بنتكلم عنها دية من الجزء الثلاثين، الجزء الثلاثين دا عشر معارك تربوية، يعني قلت لكم قبل كدا، اقترحت قبل كدا فكرة إن الجزء 30 عشر معارك تربوية، يعني 36 سورة بتوع الجزء 30 دول نقسمهم لعشر أشواط عشر موجات عشر معارك تربوية عشان نعرف إن التربية مش لعبة

دى منهج وخطة ومعركة ورا معركة ومش ينفع نجيب معركة قبل معركة وكله مبنى ورا
بعضة مفيش حاجة اسمها مرحلة تسبق الثانية مفيش واحد بياخد اعداى قبل ابتدائى
عشر معارك تفهمنا لاسف الشديد ان فى ناس ساقطة ابتدائية عند ربنا وقدام الناس
بتناقش دكتوراة يعنى ايه ساقطة ابتدائية معانى الطريق الى الله هى معانى الجزء التلاتين
فى معانى لازم كل الملتمزمين والملتمزمات يتربو عليها لازم ياخدوها بالترتيب بتاع الجزء
التلاتين اللى مش عارف المعانى دى ساقط ابتدائية ساقط فى ابتداء معانى الطريق الى الله
والعياذ بالله يروح يطلب علم يروح على منبر يروح يشتغل فى الدعوة يضحك على الناس
ومش فاهم حاجة دى ساقط ابتدائية دة مش اخذ معانى ابتداء الطريق الى الله التربية مش
لعبة المعانى الى بنقلها دى مش لعبة ياجماعة
الجزء التلاتين عشر معارك وركزوا لان كل معركة مترتبة على اللى قبلها كل معركة لها
اسم عشان تتميز عن غيرها

**** المعركة الاولى (معركة اليقظة) اللى هى النبا والنازعات وعبس**
لما النبى اتفال له تبا لك سائر اليوم من ابو لهب فى سورة النبا وازاى الكفاح الدعوى فى
التلات سور دول بلغاية لما بيخرج فى اخرهم فى سورة عبس (واما من جاءك يسعى وهو
يخشى فانت عنة تلهى) يعنى الشاب اللى كان قاعد على القهوة هو اللى جاى لك ومكنش
راضى يسمع دين بقى عايز يسمع دين ويبجرى على الجامع وازاى القلوب الميتة تحيا
تانى دى معركة اليقظة

**** المعركة الثانية (معركة بداية الهداية وتغير وجهة النفس) التكوير والانفطار والانشقاق
المطففين**

اللى جاءك يسعى دة بدا عايز يهدى ايه بنى بداية الهداية اول خطوة تغيير مجرى وجه
الشخص (وفى ذلك فليتنافس المتنافسون)
وجهة النفس اتغيرت بعد ما كانت المنافسة فى الدنيا بقت المنافسة فى الآخرة وتغير وجه
المنافسة الشوط دة فيه كثير (علمت نفس ما قدمت) (علمت نفس ما آخرت) (علمت نفس
ما احضرت)

(علمت نفس ما احضرت) نفس يدل على ان اول شى لازم تواجهه فى طريقك الى ربنا هى
نفسك او عى نفسك تضيعك وتدمرك يعنى رغبات نفسك تتغير يعنى بعد ما كنت طالب دنيا
تصبح طالب آخرة
الشوط دة كله عن يوم القيامة عشان تغير وجه النفس وخرجنا منه ب(وفى ذلك فليتنافس
المتنافسون)

خرجنا منه (ياايها الانسان انك كادح الى ربك كدحا) ناس خرجت مستعدة للتنافس
وتكدح من اجل الدين

**** المعركة الثالثة (الفصل والثبات) اللى هى البروج والطارق والاعلى والغاشية**

الشوطة دة بيقول للانسان افصل اثبت اعلى ازاي اصحاب الاخدود ناس بتقتل المومنين وناس عايزة تحرقهم وتفتنهم وبرامج وقنوات ومواقع فاسدة وازاي وفي وسط كل دة نثبت ونقبض على الجمر معركة الفصل والثبات

**** الشوطة الرابع (معركة النزول للواقع) اللي هو الفجر والبلد**

معركة النزول للواقع وتنزيل الاخ للواقع

في الشوطة التالت قلنا ان اهل الباطل مش هسيبونا (وفي ذلك فليتنافس المتنافسون) (وانك كادح الى ربك) المعاني الجميلة دي اوعى تفكر ان اهل الباطل هيسبوكو تجروا على الاخرة وتعبو ربنا وهيقطعو عليكو الطريق ويخرجوك برة الطريقو دة الشوطة التالت ازاي انك تفضل ثابت في الشوطة الرابع انت مش هتستنى يقطعو عليك الطريق الثبات انك تنزل الواقع عشان كدة في سورة الفجر (كلا بل لا تكرمون اليتيم ولا تحاضون على طعام المسكين) وهو انك تدخل في صنائع المعروف والعمل الخيري تبدا الثورة ثورة الاخ الكوماندو (فلا اقتحم العقبة) ان الاخ والاخت ينزلو بيئة ايمان ينزلو يحضرو دروس واعمال روح الفريق مع اخوانهم عشان ينضمو لبيئة الايمان وبيئة الالتزام وان شاء الله هيبقى في دورة (فلا اقتحم العقبة) الاخ الكوماندو دة اللي هو معركة تنزيل الاخ الى الواقع

**** الشوطة الخامس (معركة التحرير) اللي هو الشمس والليل والضحي والشرح**

الخامس والسادس والسابع

الثلاث معارك اللي جاينين لهم ثلاث اسماء ومعركة التحرير ومعركة التنوير ومعركة التطهير يعنى الشوطة الخامس والسادس والسابع يعنى الشوطة معركة التحرير اللي هو في سورة الشمس (ونفس وما سواها) الازم درن النفس نعالجة لاربع سور دولي الشمس والليل والضحي والشرح بتقولك ازاي تتخلص من قيود النفس ورغبات النفس وتنطلق الى الله الانطلاق الى الله هنتكلم عنه في الشرح والضحي والليل بعدددة الشوطة السادس

**** الشوطة السادس (معركة التنوير) التين العلق القدر البينة**

قصاد بعض الاربع سور يتكلمو عن القران

سورة التين (وهذا البلد الامين) يتكلم عن البلد اللي نزل فيه القران

سورة العلق (اقرا باسم ربك) اول مرة نزل القران

سور القدر عن ليلة القدر اللي نزل فيها القران

سورة البينة عن البينة اللي هي القران

بيتكلمو عن مكانة القران وزمن نزول القران وقيمة القران والقران هيغير ايه في حياتنا

دة معركة التنوير ازاي احنا نرتبط بالقران عشان يجي النور

طب لية معركة التنوير جات بعد معركة التحرير؟ بعد التحرير من قيود النفس (ونفس

وما سواها) زي ماجبريل طهرو عصر قلب النبي عليه الصلاة والسلام قبل نزول عليه

القران ونزول سورة العلق قالو لية العصرة دي لان الصدر مليان شواغل وانشغالات

وارتباطت باشياء كثيرة فلازم النفس الاول تتعصر وتتطهر وينزل القران على قلب خالي

فالاول في الشوطة الخامس بتاع سورة الشمس التخلص من النفس ورغباتها هي دي

عصرة الصدر بتاع الشمس والضحي والليل والشرح بعدها القران ينزل في سورة اقرا

والقدر والبينة والتين ينزل القران على صدر خالي وبالتالي يدي النتيجة الجبارة بتاع

المعركة **السابعة (معركة التطهير) اللى هى الزلزلة والعاديات والقارعة والتكاثر
والعصر الهمزة

ايه معركة التطهير من حب الدنيا القرآن لونزل على صدر خالى على نفس مزكاه
هيخرج حب الدنيا من القلب والقران ينور لنا طريقنا بجد

ايه معركة التطهير؟ سورة الزلزلة بتتكلم عن الاخرة (اذلزلت الارض)
وسورة العاديات بتتكلم عن الدنيا (وانه لحب الخير لشديد)

سورة القارعة بتتكلم عن الاخرة (القارعة مالقارعة)

سورة التكاثر بتتكلم عن الدنيا (الهالك التكاثر) سورة اخرة سورة دنيا

فعلا الشوط السابع دة معركة تطهير حرب مع حب الدنيا جواك امتى قدرنا ننتزع و نقتلع
حب الدنيا من جوانا من جذور جذوره؟ لما القران جه فى حياتنا امتى القران اثر فى حياتنا؟

لما قدرنا نتخلص من النفوس الشريرة اللى جوانا

**المعركة الثامنة (من صفى صفى له) اللى هى التين وقريش والماعون

سورة الهمزة تبع الشوط اللى فات بتتكلم عن الدنيا (ويل لكل همزة لمزة) يبقى كدة
الشوط اللى فات ست سور

الشوط التامن ثلاث سور بنسبيهم معركة (من صفى صفى له)

الانسان جواه ثلاث مشاكل

1 المخاوف (الخوف من غير الله)

2 المرجوات (رجاء غير الله)

3 المحبوبات (حب غير الله)

سور الفيل بتكلم متخفش من غير الله زى ابرهة ماجة كدا المفروض متخفش من غير
الله

سورة قريش لاترجو الا الله (رحلة الشتاء والصيف) ربنا بيده الخير

سورة الماعون (ويمنعون الماعون) اللى من حب الدنيا مش قادر يسلف شوية ملح لجارة
يبقى زى ماتقدر تتخلص من

المخاوف فى سورة الفيل

ومن المرجوات فى سورة قريش

والمحوبات فى سورة الماعون فتوصل لربنا ومبيقاش جوانا غير الرغبة فى الله فيصفى
الله لنا امر الدنيا والاخرة معركة التصفية من صفى صفى له

**الشوط التاسع (التمايز) اللى هو الكوثر والكافرون النصر والمسد

*سورة الكوثر (انا اعطيناك الكوثر) كسبنا الاخرة

*سورة النصر (اذا جاء نصر الله) كسبنا الدنيا

*سورة المسد (تبت يدا ابي لهب) ضاع الدنيا والاخرة اهل الباطل وفى وسط الشوط

(قل ياايها الكافون لااعبد ماتعبدون) انتو شعب واحنا شعب ليكورب واحنا رب للولا
التمايز مكاتش بعد سورة الكافرون بعدها النصر لولا الثبات لماجاء النصر لولا التمايز

ماجاء النصر لازم التيار الاسلامى يتمايز باخلاقه فى مواقفه فى قيمه فى تضحياتة عن
سائر اهل الدنيا ساعتها يجى النصر

طيب الشوط بتاع النصر والمسد مجاش الاول ليه؟ لان الاول لازم تصبر على دفع ثمن الاشواط الثمانية اللي قبله النصرمش سهل يا جماعة عشان كدة النصر ذكر فى اخر القران لانلازم تدفع ثمنه الاول كان المتوقع ان تبت يدا ابى لهب تيجى بعد سورة النبا لان سورة النبا اللي اتقال فيها للنبي عليه الصلاة والسلام تبا لك سائر اليوم مش يعنى بتوع برامج التوك شو يشتموفى التيار الاسلامى ربنا ينزل عليهم صاعقة العذاب لا لازم الاول احنا اللي نشغل الاول وبعدين ربنا يورينا آياته فيهم عشان كدة سور النصر والفتح جات فى الاخر بعد سور البذل والجهد

**الشوط العاشر (الصمود والاستمرار) اللي هو الصمد والفلق والناس

(قل هو الله احد) (قل اعوذ برب الفلق) (قل اعوذ برب الناس) كان ممكن ربنا ينزل (هو الله احد) (اعوذ برب الفلق) (اعوذ برب الناس) ولكن كلمة قل قل تدل على الاستمرار احنا على عهدك يارب احنا مكملين احنا مش عشان جات سورة النصر والكوثر والنصر جه ننام لا احنا مستمرين على الطريق ولن نكف عن الدعوة الى الله الى اخر لحظة فى اعمارنا

اخر اسم لله ذكر فى القران هو (الصمد) الذى يصمد اليه فى الحوائج لازم تصمد الى الله لازم تلجا الى الله لازم يكون عندنا صمود فى عبادة الله صمود من اجل ارضاء الله الصمود والاستمرار

يبقى دى الاشواط العشرة بتاعت الجزء الثلاثين

الشوط السادس اللي هى المعركة شوط البروج والطارق والاعلى والغاشية الى بنتكلم عنهم النهاردة فى هذه الدورة المباركة دورة خد قرار بداننا بالمفصل وبعدين اخدنا معلومات عن الجزء الثلاثين تعالوندخل على الشوط السادس اللي هو الدورة عنه اصلا هو اصلا الفكرة اللي الدورة معموله عليها هنتكلم فى الشوط السادس عن اربع سور باذن الله اللي هى البروج والطارق والاعلى والغاشية هناخد نص دقيقة راحة نستغفر ونصلى على النبي عليه الصلاة وافضل السلام عشان نعرف ان ربنا كريم ازاي ياذن لنا بذكره واحنا والله مش نستاهل يا جماعة والله على خبث قلوبنا وخبث نفوسنا ربنا يتولانا

**الشوط السادس البروج والطارق والاعلى والغاشية

اربع سور بيتكلمو عن اربع قرارات فى حياتك لو قدرت تاخذ هم هيعملو نقله فى حياتنا وفى التزامنا

اثبت =افصل= اعلى = استمرى

يعنى ايه اثبت =سورة البروج

بتتكلم عن ناس هيعلمو فى الملتزمين ايه هيحرقوهم قبل كدة كانوا بيسخروا منهم فى سورة المطففين (كانو من الذين امنوا يضحكون) هنا يذبحون ويحرقون هنا اهل الباطل كشفو عن وجههم الحقيقى هنا ربنا بيقلك اثبت او عى مهما كانت المغريات مهما كانت التحديات مهما كانت التهديدات او عى تفرطو فى دينكو حتى لو بايه زى القابض على الجمر

سورة الطارق افصل (0) انه لقول فصل)

هو لعبة لازم تفصل من دلوقتى لازم تاخذ قرار فى دينك من دلوقتى انتى وجهتك ايه؟ انتى طموحك ايه؟ انتى هدفك فى الحياة ايه؟ افصل واختار الطريق اللي انت هتمشى فيه

في سورة الغاشية " عاملة ناصبة " يعني اشتغلوا لحد ما طفحوا الدم في الدنيا في فتنة أهل الدين عن الدين عشان كده بياخدوا اشغال شقة في جهنم جزاء من جنس العمل زي ما كانوا بيشتغلوا اشغال شقة مؤبدة في الدنيا عن فتنة الشباب عن الدين

يعني الأربع سور دول شوط مهم جدا وشوط خطير جدا يلا بقي يا جماعة بقي ندخل في سورة البروج بإذن الله في الدقائق اللي باقيه معانا يلا بينا ندخل في سورة البروج يعني خطتنا اذا ربنا اذن هنتكلم عن سورة البروج في ثلاث مرات المرة دي وكلمات ثلاث مرات هنتكلم عن المقدمات الاساسية الترابط الموضوعي الترابط الموضوعي الاعجاز التغيري في السورة زمن السورة سر اسمها زي ما اتعودنا

نفهم من فوق عشان لما نيجي ندخل نبقي فهمين بعمق القران يا جماعة عايز نفهم زي ما ابن مسعود بيقول صوروا القران صورته فجزوا المعاني العظيمة اللي جواه القران جواه فوران يعني القران فيه ثورات ثورة في قلبك زي ابن مسعود ما بيقول ولكن ما رسخ في القب نفع اللي بيرسخ

القران اللي رسخ هو اللي هينفعك ايه اللي رسخ جواك عايزين نفهم عشان معاني القران ترسخ جوانا

عايزين ناخذ ان شاء الله المقدمات الاساسية وان شاء الله المره اللي جايه ناخذ القصة اللي السورة نزله فيها اللي هي قصة اصحاب الاخدود ووقفه مع المعاني الجبارة اللي فيها اللي لو افكرنا كل المعاني اللي فيها حياتنا كلها هتتغير واطوار هذه القصة وانوار هذا الغلام المبارك وهذا الراهب المضحي وهذا الوزير الصامد وهذا الشعب العظيم اللي حرق وثبت من أجل دين الله

المره الثالثة بإذن الله اللي خطتنا اننا هناخذ الشرح التفصيلي في السورة والبيان الختامي يعني هنبدا ايه اننا معلقين علي بما ييسير الله سبحانه وتعالى يلا بقي يا جماعة ندخل علي المقدمات الاساسية يلا ركزي معايا يلا ركز معايا

بسم الله توكلنا علي الله

سورة البروج

اول حاجة الاعجاز التغيري الأثر التغيري في السورة قولتكم في مسند الامام أحمد أمر الرسول أن يقرأ في العشاء بالسماة اللي هي والسماة ذات البروج والسماة والطارق طب ليه ؟؟؟؟؟؟؟

عشان اخر حاجة ينام عليها المؤمن هي ذكر السماء طب ليه لان النبي كان كثيرا ما ينظر للسماء من الايات اللي زلزلت قلبي وأنا بقرأ ربنا بيقول " ولقد جعلنا في السماء بروجاً وزيناها لناظرين "

قولت يارب ياااااااااااااااااه يعني أنت بتزين السما عشان نبصلها عشان نبص للجلال اللي فيها والجمال اللي فيها والاعجاز اللي فيها فتعلق قلوبنا بيك بدأت أقرأ ببص في الصفحة الثانية في سورة الحجر لقيت ابليس بيقول " فبما أغويتني لأزینن لهم " خدوا بالكم بقي من وزيناها اللي ربنا قالها عن السما وزيناها للناظرين وبين في نفس السورة في الصفحة الثانية ابليس بيقول " لأزینن لهم في الأرض ولغوینهم أجمعين "

قولت الله أكبر ربنا بيقول علي السما وزيناها للناظرين وابليس بيقول لأزینن لهم

ربنا بيزينك السما عشان تبص لفوق وتبص لجلال الملك وابليس بيزين الأرض عشان تبص لتحت وتنسى ربنا ياتري هتبص لمين ؟؟؟؟؟؟؟

لتزين الله لسماء أم لتزين ابليس للأرض ؟؟؟؟؟؟؟

معني جبار يا جماعةعشان كده النبي كان بيقول للسيدة عائشة ان عيني تنام ولا ينام قلبي لان قلبه مع السما لانه عايش مع ملكوت السموات العظيم عشان كده ذكر السماء في سورة البروج المؤمنين اتحرقوا يعني يارب عايزين يقتلونا يارب دول عايزين يحرقون يبقي ايه والسماء ذات البروج بص للسماء انا بقول هيموتونا يارب بصوا للسماء

النظر للسماء ممكن يثبت للدرجة دي ؟؟؟

ايوه النظر للسماء والتربية علي التدبر في العبادة من أعظم اسباب الثبات فاعتبروا يا جماعة

العبادة مش دروشة العبادة من اسباب الثبات

يبقي الاعجاز التغيري ان السورة دي هتمدنا بمعاني لثبات جبااااارة

طيب بالنسبة لزمان سورة البروج سورة البروج في ترتيب نزول السور هي السورة 27 يعني سورة البروج نزلت بعد الشمس وبعد كده التين

الشمس بتتكلم عن قتله فعقروها يعني قطعوا رجلين الناقة وبعد كده دبجوها

السورة اللي بعد كده سورة التين بتتكلم عن ناس سفلة "ثم رددناه اسفل سافلين " السفول السفل والعياذ بالله يعني اللي بيتسافل فيه الناس والشباب بالبعد عن دين ربنا

كأن المعني اوعي تفتكري انك عايزة تكدحي في العبادة اوعي تفتكري ان اهل الباطل هيسبوكي اهل الباطل عايزين يضيعوكي وهضيعوك هتثبتوا ولا لا ؟؟؟؟؟؟؟

الترابط الثاني يا جماعة ان الملتزمين لازم يفهموا شمولية الدين ان الدين مش تنافس في صلاة وصوم وبس ومش منافسه في الدين وبس

فيه حاجة اسمها والنار ذات الوقود وربنا مقلش في حاجة اسمها والنار ذات اللهب مش بيوصف عظمة النار لا داب يوصف ان فيه وقود مستمر الناس دول شغالين ليل نهار مستمر عشان تغزي النار بتاعت الفتن عشان يحولوا الالتزام لحاجة مستحيلة

مفيش حد قادر يصبر الايام دي وعن الساحل الشمالي وعن وووووو ويتجه الي الله

الا من ايظ الله سبحانه وتعالى قلوبهم
يبقي ده الترابط بين البروج والانشقاق

طب الترابط بين البروج والطارق اللي هي السورة اللي بعدها كذا ترابط يا جماعة اللي هي

1: ان الاتنين بيتكلموا عن الحفظ البروج " بل هو قران مجيد في لوح محفوظ" الدين محفوظ يا جماعة محدش هيقرب منه وسورة الطارق " ان كل نفس لما عليها حافظ " يعني ربنا هيحفظ عباده

يعني البروج والطارق بيتكلموا ان ربنا يقدر يحفظ دينه ويحفظ من يشاء من عباده بحفظه

2: ان اسم السورتين بيدي امل البروج يعني السما مليانه جند لله يعني ربنا يقدر ينسف الظالمين ولكن ليبلوا بعضكم ببعض والطارق اللي هو النجم الساطع قذائف السماء لإحراق الشياطين اللي بسترق السمع للوحي يعني معناه اننا اقوياء

اسم السورتين بيقولك انت قوية ولكن ربنا بيمتحنا دلوقتي بيمتحنا انه بيحلم علي اهل الباطل هيشوف هنتغل لدين ولا مش هنتشتغل لدين

3: سورة البروج اولها حريقة وسورة الطارق اولها حريقة

البروج اولها حريقة للمؤمنين بيحرقوا المؤمنين ناس بتتحرق عشان الدين والثبات علي الدين والطارق حريقة للشياطين النجم الثاقب يعني بتتحرق بشهب السماء...شياطين بتتحرق عشان عندهم ضلال وازاي يضلوا اصحاب رسالة بردوا

يعني سورة البروج اولها حريقة تودي الفردوس الاعلى وسورة الطارق اولها حريقة تودي جهنم كأن المعنى شياطين بيعملوا عمليات انتحاريه عشان يضلوا الناس انتم مش بتغيروا

إذا كان دا جهد الشياطين او مال جهد الناس لنصرة الحق مفروض يبقى ايه

كأن دي حريقة ودي حريقة وزي ما هم بيحرقوا المؤمنين ربنا قادر يحرقهم

4: سورة البروج معركة اهل الباطل ل اضلنا ولكن سورة البروج الجهد الظاهر عيني عينك " اذا هم عليها قعود"

قعدين يحاربوا فيك

سورة الطارق الجهد الباطن الخفي " انهم يكيدون كيدا " من غير ما حد يدري بيحاولوا انهم يدمروا الدين

5: سورة البروج تبين جهد شياطين الانس في حرب الحق اللي بيحرقوا المؤمنين... سورة الطارق بتكلم عن جهد شياطين الجن في حرب الحق اللي ايه شياطين اللي بتطلع وربنا يرميها بالنجوم الثاقبه

يبقى ايه الاتنين بيتكلموا عن حريقة وقدرة حفظ الله لدينه وجهد اهل الباطل الاتنين بيتكلموا ان ازاى الباطل بيمكر مكر رهيب عشان يدمر الحق ويدمر معاني الحق كأن المعنى شياطين بيعملوا عمليات إنتحارية عشان ينشروا الباطل فى الأرض أنتوا مبتغيروش!!؟!

إذا كان ده جهد الشياطين أ مال جهد المؤمنين لنصرة الحق المفروض يبقى ايه، يبقى دى حريقة ودى حريقة

وكان المعنى برضه إنهم زى ما هم بيحرقوا المؤمنين ربنا قادر أن يحرقهم.

الرابط الثالث: أن سورة البروج معركة يعنى جهد أهل الباطل لإضلالنا وكذلك سورة الطارق

ولكن سورة البروج الجهد الظاهر {إِذْ هُمْ عَلَيْهَا قُعُودٌ} أدام الناس عيني عينك بيحاربوا فيك

سورة الطارق الجهد الباطل الخفى {إِنَّهُمْ يَكِيدُونَ كَيْدًا} من غير ما حد يدرى
بيحاولوا إنهم يدمروا الدين

الرابط الرابع أو الخامس إن سورة البروج بتتكلم عن جهد شياطين الإنس فى
حرب الحق اللي بيحرقوا المؤمنين

سورة الطارق بتتكلم عن جهد شياطين الجن فى حرب الحق، جهد شياطين الجن
فى حرب الحق اللي هو بقى ايه الشياطين اللي بتطلع وربنا بيرجمها بالنجوم
الثاقبة

يبقى الإثنين بيتكلموا عن حريقة

الإثنين بيتكلموا عن قدرة الله على حفظ دينه

الإثنين بتكلموا عن جهد أهل الباطل

الإثنين بيتكلموا عن مكر الباطل إزاي إن الباطل بيمكر مكر رهيب يا جماعة
عشان يعنى يدمر الحق ويدمر معانى الحق

يعنى إزاي الباطل بيمكر مكر رهيب زى ما هنتكلم الوقتى فى الترابط
الموضوعى اللي احنا هنختم بيه الدرس بتاع النهاردة بإذن الله سبحانه وتعالى

السورتين العناوين بتاعتهم بتدى أمل يبقى ده الترابط الموضوعى فى سورة البروج
مع سورة الإنشقاق اللي قبلها ومع سورة الطارق اللي بعدها

سورة البروج علاقتها بالطارق ان الإثنين بيتكاملوا فى تصوير مدى مكر أهل
الباطل بأهل الحق يعنى مكر رهيب بصراحة — بالرغب والرهب بالمواقع
الإباحية وبالسجن وبالقتل وبكل حاجة بكل الوسائل اللي تخلى فى الآخر المؤمن
مش عارف يعمل إيه

زى ملك الروم مع عبدالله بن حذافة السهمى، قصة عبدالله بن حذافة السهمى نسخة
سورة البروج والطارق تطبيق كامل ليها جابله ملكة جمال العالم أجمل امرأة من
نساء الروم وبعد كده جابله الزيت المغلى ورمى واحد أدامه ايه ده

وده علاقته إيه هو كده أدامك مواقع إباحية وأدامك إنك هتروح فى داهية لو مشيت فى طريق الدعوة شوفوا بيحطوا الشباب أدام إختيارات رهيبة يعنى رغب رهيب ورهب رهيب مين بقى اللي يقدر يثبت على دينه أدام هذه المغريات وهذه التهديدات!!؟؟

فدا الترابط الموضوعى للسورتين دول

بعدهم سورة الأعلى إن عشان تقدر تثبت لازم تعلق

وبعد كده سورة الغاشية عشان تقدر تثبتى لازم تشيلى الغشوة، لازم تشيلى الغشوة وإزاي إن احنا عشان نستمر فى الدعوة مهما كان الوضع ومهما كان التهديدات

طيب ندخل بعد كده بقى فى الترابط الموضوعى فى سورة البروج ونختم على هذا فى الدرس الأول من دورة خذ قرار، خذ قرار خلى عندك قدرة على إتخاذ القرار عشان دينك

ركزوا معايا بقى جدا فى الترابط الموضوعى لسورة البروج

ايه موضوع سورة البروج

سورة البروج بتتكلم عن ايه؟ هكلمكم الوقتى عن تسع مواضيع

كل موضوع فى دقيقة سريعة ايه مواضيع سورة البروج

سورة البروج يا جماعة

رقم واحد سورة الثبات الرهيب، الثبات الرهيب إزاي

سورة البروج يا جماعة سورة القتلة { قَتِلَ أَصْحَابُ الْأُحْدُودِ (4) النَّارِ ذَاتِ الْوُجُودِ (5) إِذْ هُمْ عَلَيْهَا قُعُودٌ (6) } بيحرقوا المؤمنين بيحرقوا مش بيقتلهم عشان كده فى الآخر { هَلْ أَتَاكَ حَدِيثُ الْجُنُودِ (17) فِرْعَوْنَ وَثَمُودَ } اشمعنا فرعون وثمود ليه مش عاد ليه؟

لأن فرعون اللي قال ذروني أقتل موسى، اقتلوا أبناء الذين آمنوا معه واستحيوا نساءهم

وثمود هم اللي قالوا لنبيتنهم هو وأهله هذبح صالح هو وأهله وعاقروا الناقة
دبحوا الناقة عشان دول اتبعوا أسلوب القتل سورة البروج سورة القتلة، سورة
القتلة سورة حينما يُسفر أهل الباطل عن الوجهة الحقيقي سورة هتتحرق شعبه في
الأخر لما الشعب أصر على الدين وعلى —

سورة القتلة عشان كده في الواقع المرعب ده مين اللي هيقدر يثبت سورة الثبات
الرهيبة إزاي تقدرى تثبتى إزاي تقدر إنك تثبت مهما هُددت في دين الله زى أبو
بكر الصديق رضى الله عنه لما قال أخشى إن تركت سنة من سنن النبي صلى الله
عليه وسلم أن أزيغ لو سببت سنة واحدة بس أنا خايف أن أنا أزيغ سنة زى ما
هنقول الوقتى إن الدين ده عامل زى السبحة لو حبايه اتفرطت كله هيفرط بعدها
زى الشباب الوقتى في قضية الفتور إزاي تثبت لقيت في فتور بعد رمضان لقيت
النفسيات ضعيفة مش متعودة على المجهود في العمل الصالح فأنت زهقت نفسيتك
زهقت فيحصل الفتور الفتور ده مرض نفسى مش مرض قلبى

في الفتور الأخ بيبقى هيتجنن مش عارف يعمل إيه عايز يخرج من الحالة دي
بأى طريقة ففي الآخر ممكن يُحبط يروح يتفرج على فليم أتفرج على مسرحية
أتفرج على برنامج من البرامج الترفيهية اللي كانت بتيجي في البرامج العادية في
رمضان ممكن يقوم واقع في مصيبة يبقى عامل زى الدبابة التايهه الديخة

العنكبوت مستنيها لو وقعت في الشبكة أنتوا عمركم شفتوا حشرة وقعت في شبكة
عنكبوت وطلعت منها تانى مش هيعرف فممكن يحول الفتور لمصيبة ليه؟ لأنه
مش عارف يتعامل صح مع الفتور مش عارف يثبت

على السياسيات للفترة بتاعت الفتور

يبقى سورة البروج رقم واحد سورة الثبات العظيم إزاي إن احنا نثبت إزاي إن
مهما هُددنا في دعوة ربنا نثبت

الموضوع التانى سورة البروج سورة لا تيأس سورة الأمل وعدم اليأس إزاي يا
جماعة السورة دي

مش هيفش غل الملتزمين فى مذابح حلب ومذابح مضايا ومذابح — ومذابح
غزة ومذابح جنين ومذابح صبره وشتيلا ودير ياسين

مش هيفش غل أهل الحق فى المذابح اللي بيعملها أهل الباطل واللي بيعملها بشار
ضد شعبه إلا سورة زى سورة البروج يا جماعة

سورة البروج، جنين لما الراجل بعث بنته تجيبه حاجة يأكلوها هيموتوا من
الجوع تحت القصف بنته إتأخرت بببص من البلكونة يطمئن عليها لقطوه القناصة
ضربوه بالنار اتقتل مراته جايه تاخدوه من البلكونة تدفن جوزها أوتشوفه بيموت
ولا عايش هددوها هيقتلوها لو دخلت هى كمان

فضلت جثة جوزها فى البلكونة فى أيام القصف لحد ما تعفنت أدام ولاده وريحتها
طلعت ومش قادرين إن هم ياخدوها

مذبحة جنين يا جماعة للي فاكر للي عنده ذاكرة

مذابح غزة الأم اللي احنا شفناها بعيننا ماسكة ابنها ووالع فيه النار ابنها محروق
بتجرى على مستشفى ابنها وقع من ايديها ومات محروق بين ايديها
مذابح مضايا فاكرين من شهور لما كانوا بياكلوا القطط والكلاب لما كانوا مش
لاقين ياكلوا كلوا قطط وكلاب

مذابح حلب اللي وصلت لدرجة الأم اللي قصفوا البيت اللي اتقتلت واتقطعت حتت
واتقرمت ابنها الرضيع متقتلش الواد جعان بعد يوم محدش أغاثه مد ايده ياكل ايد
امه لأنه مش فاهم مهش فاهم ايه ده

تخيلوا يا اخوانا مذابح مذابح — لو فاكرين يا جماعة لما الطفل الرضيع
كان فى حضن أمه دبوحها وسابوا ابنها وسابوا المكان اللي كله جثث مدبوحه بعد
أيام لما عرفوا يدخلوا المكان لقوا ابنها فى حضنها لسه حى أنقذوه من حضن أمه
المذبوحه

والطفل اللي قطعوا رجليه ورموه فى مزبلة قعد ينزف لحد ما مات

{ وَهُمْ عَلَىٰ مَا يَفْعَلُونَ بِالْمُؤْمِنِينَ شُهُودٌ } { وَاللَّهُ عَلَىٰ كُلِّ شَيْءٍ شَهِيدٌ } بيبقى إن
المذابح دى بتجيبنا يأس

عشان كده سورة البروج بعد المذابح اللي حصلت فى الآخر { بَلْ هُوَ قُرْآنٌ
مَجِيدٌ (21) فِي لَوْحٍ مَّحْفُوظٍ (22) } مقدروش يضيعوا الدين بقى فى النهاية فين
أصحابهم هم ضاعوا

واللي اتقتلوا من المؤمنين بقوا شهداء عند الله والدين اتحفظ

سورة الأمل وعدم اليأس إن مش هيفقدورا يعملوا حاجة أبدًا لأهل الدين بإذن الله

الموضوع الثالث فى سورة البروج سورة الحلم

يعنى إيه سورة الحلم

المرّة الوحيدة فى التاريخ اللي العوام فيها كانوا أبطال ووقفوا أدام الظالم وقالوا له
(لا)قالهم هحرقكم لو مرجعتوش قالوا له احرقنا وماتوا محروقين عشان ربنا المرة
الوحيدة فى هذه السورة العوام زى قصة غلام الإخدود زى ما هناخذ المرة الجاية
طب العوام إيه خلاهم بيقوا أبطال لأول مرة فى التاريخ ويمكن لآخر مرة فى
التاريخ

لما كان صار أهل الدين قوة لما غلام الأخدود ضحى بحياته عشان الدعوة
ياخوانا العوام لما بيلاقوا أهل الدين قدوة مش ناس بيتكلموا وخلص مش ناس
بيتكلموا وخلص يعنى حديث النبى عليه الصلاة والسلام اللي حسنه الشيخ
الألبانى رحمه الله "إنما أهلك بنو إسرائيل...."

يعنى بنى إسرائيل هلكوا لما هلكوا قطوا، بنى إسرائيل لما هلكوا قطوا

يعنى ايه لما هلكوا قطوا؟ يعنى خلاص لما دينهم ضاع فعائزين — بدأوا بقى
يدوا دروس قوية ومواعظ وخطب و.... طب والعمل ضيعوا العمل ضيعوا
العمل وبقى الدين بتاعهم شوية دروس قوية خلاص هو ده اللي احنا عائزين
نوصله يا اخوانا

يبقى سورة الحلم لما أهل الدين بقوا قدوة العوام اتأثروا واتغيروا وكل حاجة
اتغيرت

الموضوع الرابع بعد سورة الثبات العظيم سورة القتلة

وبعد سورة الأمل وعدم اليأس

وبعد سورة الحلم

سورة علو الهمة ياخوانا سورة البروج علو الهمة بتاع أهل الباطل فيها تجنن

{ هَلْ أَتَاكَ حَدِيثُ الْجُنُودِ } جنديّة أهل الباطل للباطل (الجنديّة الرهيبة)

ربنا بيقول { النَّارِ ذَاتِ الْوَقُودِ } وقود قاعدين ليل نهار يغذوا

مدينة الإنتاج الإعلامى مبتتامشى ليه عشان وقود لفتنة الشباب

{ إِذْ هُمْ عَلَيْهَا قُعُودٌ } قاعدين 24 ساعة عشان فتنة المؤمنين

{ وَهُمْ عَلَىٰ مَا يَفْعَلُونَ بِالْمُؤْمِنِينَ شُهُودٌ } — ناس بتعذب وناس بترفع

تقارير للقادة على اللي بيعذبوا بيعذبوا صح ولا لأ قاعدين يشهدوا على بعض
ومشغلينهم كلهم يشهدوا على بعض عشان يضمنوا إن تعذيب المؤمنين ده أقوى ما
يكون

ده علو همه أهل الباطل فى نصره الباطل فأين همه أهل الحق يبقى سورة علو
الهمة

الموضوع الخامس سورة التجرد العظيم

يعنى إيه سورة التجرد العظيم ؟

سورة البروج 3 حاجات كلنا نفسنا كنا نسمعهم لم نجدهم بوضوح فى السورة

أول حاجة النصر منتصرش المؤمنين فى الآخر ماتوا

تانى حاجة النجاة لأ ده اتحرقوا لم ينجوا من أهل الباطل

ثالث حاجة الإنتقام مشفناش ربنا انتقم لهم فى السورة يقيناً ربنا انتقم لهم فى الدنيا

وفى الآخرة ولكن مذكرتش السورة الإنتقام عارفين ليه؟

عشان ربنا ميعلقش قلوبنا بالدنيا أبدًا

عشان ربنا يعلق قلوبنا بالآخرة

عشان ربنا يخلينا نتعلم إن مش مهم إن احنا نعيش المهم إن المنهج يستمر

بَلْ هُوَ قُرْآنٌ مَّجِيدٌ {

فِي لَوْحٍ مَّحْفُوظٍ

والدعوة قد يكون مصلحة الدعوة إن احنا نموت عشان ربنا يعلمنا التجرد للمنهج

زى ما الدعوة انتصرت لما الغلام مات فى سبيلها

ولأن الناس اللي بتتعذب مش عايزة كلام عن النصر عايزة كلام عن الآخرة هو

التجرد الرهيب ده الكلام اللي بيثبتهم فعلا الكلام الواقعى الحقيقى يبقى سورة

الموضوع السادس سورة فهم الطريق

يعنى ايه فهم الطريق ؟

يعنى سورة البروج بتقول إن فى صراع حق وباطل او عوا تفتكروا إن الدين

صلاة وصوم بس ما بعض الدعاة بيحولوا يوصلوا وإن الدين أخلاق بس فى

حاجة اسمها صراع حق وباطل

فهم الطريق مش هيسيبوكوا لازم تستعدوا إن أنتوا تثبتوا أدام إغراءات وفتن

وتهديدات أهل الباطل

أمام القتلة الموضوع السابع بعد ما قلنا سورة الثبات العظيم

سورة الأمل وعدم اليأس مهما مذابح أو ،أو ،أو-2

سورة الحلم إزاي العوام يبقوا أبطال لو أهل بقوا قدوة مش بتوع كلام-3

المعنى الرابع سورة علو الهمة إزاي يبقى عندنا علو همه فى الحق زى ما أهل

الباطل عندهم علو همه فى نصره الباطل

المعنى الخامس سورة التجرد العظيم إزاي يبقى فى تجرد عظيم مش مهم النصر

المهم إن احنا نموت على طريقنا المهم إن احنا نموت شهداء المهم الآخرة المهم

الجنة

الترابط اللي بعد كده السادس وهو سورة فهم الطريق إن لايمكن هيسيبونا

هيحاولوا انهم يفتنونا ويضيعونا

الترابط اللي بعد كده سورة حرق قلب إبليس إزاي؟

وَشَاهِدِ وَمَشْهُودٍ

المشهود اللي هو يوم عرفة ————— عايزين نحرق قلب إبليس بالدعوة إلى الله

بالإجتهاد فى الدعوة إلى الله سبحانه وتعالى

الترابط اللي بعد كده فى الترابط الموضوعى سورة الثقة

يعنى إيه سورة الثقة؟

القصص بتاع الجزء الـ 30 كلها قصص مين

قصص غلام الإخود ايه غلام الإخود ده غلام غلبان يا جماعة مش نبى

قصة ابن أم مكتوم فى سورة عبس واحد أعمى وبقي بطل ونزل بإسمه سورة

يعنى إيه؟

لل بشرية لو تبقوا قدوات بيديك أمل إن أنتوا تقدورا الجزء الـ30 بيديكى أمل كأن

أقبلتوا على الدين

أئمة الإسلام فى عهد التابعين الحسن البصرى كان عبد

محمد بن سيرين إمام البصرة كان عبد، مولاى

عكرمة ومجاهد أئمة مکه كانوا عبيد

نافع إمام المدينة كان عبد

الحسن البصرى ومحمد بن سيرين أئمة البصرة كانوا عبيد

عبيد يعنى أمهاتهم كانوا بيخدموا فى بيوت الصحابة وبقوا أئمة العالم كانوا عبيد

سود شوفوا أد إيه

سورة البروج سورة الثقة إن لو إشتغلتنى فى الدين ربنا هيرفعك

_____ الترابط الأخير بعد هذا إن هى سورة بناء الأطفال

زى ما قلتكم إن سورة البروج والطارق نسخة قصة عبدالله بن حذافة السهمى إن

فى

النَّارِ ذَاتِ الْوَقُودِ

الحريقة

وفى

فَتَنُّوا الْمُؤْمِنِينَ

المواقع الإباحية

إِنَّهُمْ يَكِيدُونَ كَيْدًا

يعنى شوية قنوات وكليات زى عبدالله بن حذافة ملك الروم جابله أجمل امرأة من

نساء الروم وجابله زيت مغلى قال له هنشويك فيه يعنى قمة الترغيب وقمة

الترهيب المهم إنك تسبب الطريق ده وثبت عبدالله بن حذافة يعنى سورة البروج

بتخرج أحفاد عبدالله بن حذافة السهمى

كده 9 ترابطات موضوعية فى هذه السورة